

正月喪親仍社邊之事自遲々然而當正月重服中強而被參社○春去年正月心經會依父喪公事延引當年正月以來猿澤池水變色去月改水澄了是此恠歎

〔書言字考節用集乾一〕益田池益田池和州高市郡弘仁十三年屬早懸帝勅藤繩主

〔性靈集二〕大和州益田池碑銘并序

若夫感星銀漢下灑之功深湖水天池上潤之德普故能山岵因之而鬱茂蟲卵賴之而長生至若八氣播殖五才陶冶北方之行偏居其最坎之爲德遠矣皇矣哉粵有益田池兩尊鼻子之州八鳥初導之國地是漢諧之舊宅號則村井之故名去弘仁十三年仲冬之月前和州監察藤納言紀大守末等慮亢陽之可支歎膏腴之未開占斯勢處奏請之綸詔即應爰則令藤紀二公及圓律師等擬功未幾皇帝○嗟

逝駕汾襄藤公從之辭職紀守亦遷越前今上和淳膺堯揖讓馭舜寶圖照玉燭乎二儀撫赤子於八鳥

簡伴平章事國道代檢國事並拔藤廣任判史兩公檢校池事於焉青鳧引塊數千之馬日聚赤馬駟人

百計之夫夜集既而車馬轟々而電往男女礮々而雷歸土霧々而雪積堤倏忽而唐騰宛如靈神之埏

埴還疑洪鑪之化產成也不日畢也不年造之人也辨之天也爾乃池之爲狀也左龍寺右鳥陵大墓南

聳畝傍北峙米眼精舍鎮其良武遮荒壠押其坤十餘大陵聯綿虎踞四面長阜邇池龍臥雲蕩松嶺之

上水激檜隈之下春繡映池觀者忘歸秋錦開林遊人不倦鴛鴦鳧鴨戲水奏歌玄鶴黃鸝遊汀爭舞龜

鼈延頸鮒鯉掉尾淵獺祭魚林鳥反哺泊如積水含天疊山倒景深也似海廣也超淮笑昆明之非儔晒

齋達之猶少虎嘯鼓濤則驚汰沃漢龍吟決堤則容與不飽襄陵之罔象不得溢其塘燃山之女魃不能

涸其底六郡蒙潤萬滄湯々一人有慶兆民賴之舞之蹈之詠千箱以擊腹手之足之唱方歲而忘力歎

蒼海之數變索銘詞乎餘筆貧道不才當仁固辭不能課虛吐章迺爲銘曰

希夷象帝 帝一未萌 盤古不出 國常無生 元氣倏動 葦芽乍驚 八風扇鼓 五才縱橫

日月運轉 山河錯峙 千名森羅 萬物雜起 藤膚既隱 稷稂爰始 天池人池 灑霑功似